



IJWI RY'UBUHANUZI
ISHURI RYA BIBILIYA
MW IPOSTA

B.P. 1710

— BUJUMBURA —

BURUNDI

ICIGWA CA 15.

NONE NI NGOMBWA KW ABANA B'IMANA
BABA ABAKRISTO BO MW ISHENGERO ?

Umurongo wo kwibukwa : « ...Nk'uko Kristo na we ar'umutwe w'ishengero. » Abanyefeso 5 : 23.

URWINJIZO

Ukurikije insobanuro y'iri jambo **ISHENGERO**, usanga ar umurwi w abantu bahamagawe, canke bitandukanije n'ivyo kw isi. Mwebw'abo mw ishengero ry'Imana... bejejwe muri Kristo Yesu. » 1 Ab'i Korinto 1 : 2.

Rimwe na rimwe ico kibazo kibazwa, ngo « Kuki nkwiye kuba umukristo wo mw ishengero? None sinogira imigenzo myiza ntarinze kuba mw ishengero? None kutaba umukristo wo mw ishengero vyotuma Yesu atanjana mw ijuru? » Umugamba mbi w'iki cigwa n'ukwishura ibi bibazo vyose no gusobanura ingene Imana ikunda umuntu, ari we ishaka ko aba umukristo wo mw ishengero ryayo.

NONE IMANA IRAZI ISHENGERO ?

1. None dushobora kwemeza kw Imana ifise ishengero ?

Paulo yemeje kw Imana yari ifise ishengero kera mu gihe ciwe. Ngaha hari insobanuro ivuye mu majambo ya Paulo, yerekana ingene yemera ishengero ry'Imana. « Mwebw'abo mw ishengero ry'Imana ry'i Korinto, bejejwe muri Kristo Yesu, bahamagawe kuba abera. » 1 Ab'i Korinto 1 : 2. « Ariko ninaba ngitevye n'ukugira ng'uz'umenye uko bikwiye kugenzwa mu ngoro y'Imana, ni yo shengero ry'Imana nzima, ... » 1 Timoteyo 3 : 15. « Ntimubere Abayuda igitsitaza, canke Abagiriki, cank'ishengero ry'Imana, » 1 Ab'i Korinto 10 32.

Ngaha hatwerekana yuko igihe c'intumwa Paulo, Imana yari ifise ishengero ryayo.

2. None Imana yari ifise ishengero imbere y'intumwa Paulo ?

Mu myaka amajana menshi imbere y'igihe c'intumwa Paulo,

Imana yari ifise ishengeru. Sitefano yari umwe mu batumwa b'Imana bariho mu gihe c'iyu ntumwa Paulo. Yatewe amabuye arinda apfa azira Yesu. Atarapfa yaravuze, ati « Kandi uwo Mose ni we yari mw'ishengeru ryo mu bugaragwa, ari kumwe n'umumarayika yavuganiye na we ku musozi Sinayi. » Ivyakozwe n'Intumwa 7 : 38.

Mur'ico gihe Imana yatanze amabwirizwa cumi mu musozi Sinayi. Abana b'Isirayeli hamwe n'abari bafatanije na bo, bari bagize ishengeru ry'Imana. ;

3. None har'aho Yesu yigeze avuga ivyo kugira ishengeru ?

Umusi umwe Yesu yavuganye na Petero. Abantu bari bavuze ko Yesu ari Yohana Umubatizi, canke kw'ari umwe mu bahanuzi. Yesu araha abaza Petero ingene yiyumvira. Petero na we amwishura, at' « Uri Kristo Umwana w'Imana nzima. » Maze Yesu avuga uko Petero ahiriwe kuko yizeye ko Yesu ar'Umwana w'Imana, hanyuma yongera avuga, ati « Kandi kur'urwo rutare nzorwubakakw'ishengeru ryanje. » Matayo 16 : 18.

Rimwe na rimwe avugwa kw'ar'urutare muri Bibiliya. (« Ni nde Gitandara kitari Imana yacu ? » Zaburi 18 : 31). « Kuko banywa ku gitandara c'impwemu cabakurikira, ico gitandara cari KRISTO ! Ab'i Korinto 10 : 4.

Ubwo Yesu azwi kw'ari we gitandara, iryo zina Petero n'ukuvuga ko ari ibuye canke igice c'igitandara nyene. Dukwiye gushimira Imana kw'ishengeru ryayo ritubatswe kuri Petero nk'uko bamwe bavyizera, Petero umwe yihakana shebuja, abitewe n'itege nke ziwe, wa muntu yihanye ivyaha vyawe maze akaba umukozi w'Imana. Petero umwe Paulo yakankamira, ati « Ariko Kefa (Petero) aje muri Antiyokiya, amugisha impari imbonankubone, kuko yari n'ibimutsindishije. » Ab'i Galatiya 2 : 11. Oya nyabuna ! Ntabwo ishengeru ry'Imana ryubatswe ku kiremwa ic'ari co cose. Ahubwo ryubatswe kuri KRISTO ubwiye, « GITANDARA C'AGAKIZA KACU ». Gusubira mu Vyagezwe 32 : 15.

4 URUKUNDO IMANA IKUNDA ISHENGERO RYAYO.

4. Yesu yakunze ishengeru ryawe ate ?

« Nk'uko Kristo na we yakunze ishengeru, akaryigura. » Abanyefeso 5 : 25. None Yesu yokwerekana urukundo rwiye mu buryo busumba ubwo ? None umuntu ashobora kwerekana urukundo akunda incuti kuruta kuyihebera akayipfira ? Yanditse, ati « Kukw'ata muntu yigeze kwanka umubiri wiwe, arikw'arawugaburira, akawubungabunga, nk'uko Kristo na we agirira ishengeru. » Yarigaburiye ivyo kurya vya mpwemu. Paulo yaburiye abayobozi b'ishengeru ati : « Mwirinde ubwanyu, muzigame n'ubusho bwose Mpwemu Yera yabashizemwo, ngo mube abo kubuzuzwa, kugira ngo muragire ishengeru ry'Imana, iryo yaguzwe amaraso yayo. » Ivyakozwe n'Intumwa 20 : 28. Yemwe ngo Kristo aratangira ishengeru ryawe igiciro gikomeye ! Yariguzwe amaraso yiwe.

Paulo atariga ivyo gukunda Yesu yanka ishengeru. Dusoma ivyiye mu gihe Sitefano yaterwa amabuye, umwe yari umudiyakoni w'ishengeru. Paulo yemeye ko Sitefano aterwa amabuye. (Ivyakozwe 8 : 1) (kandi Paulo yitwa Sauli Ivyakozwe 13 : 9). Mu Vyakozwe 8 : 3, dusoma, ngw' « Ariko Sauli yatikiza ishengeru ; yinjira mu mazu yose, agakuramw'abagabo n'abagore, akabashira mw'ibohere. » « Ariko Sauli akigenda afuhagira,

afitiye abigishwa b'Umwami imihigo n'ubwicanyi. » Ivyakozwe n'Intumwa 9 : 1. Ariko umusi umwe Sauli yararose, murj izo ndoto abona Yesu. Yeretswe ingene yari umunyakibi yahana ishengero ry'Imana. Umutima wiwe uca urahinduka. Imana ica imubwira ico igomba kw'akora, iraha imutumako umwe mu Bakristo bo mw ishengero ngw aje kuraba Sauli. (Ivyakozwe 9 : 6—18.) « I Damasiko hari umwigishwa yitwa Ananiya : Umwami Yesu aramwiyereka aramuhamagara, ati Ananiya. Na we ati Sabwe Mwami. Umwami aramubarira, ati Va hasi, uje mu nzira yitwa Igororotse, ubarizeyo mu rugo kwa Yuda umuntu yitwa Sauli w'i Taruso, kukw arikw arasenga. » Ivyakozwe n'Intumwa 9 : 10, 11. Ananiya aratinya, Aravuga, ati Mwami, uwo mugabo ko numvise benshi bavuga ivyiwe, vy'inabi nyinshi yagirira abera bawe i Yeruzalemu, kandi n'ino ahafise ububasha, abuhawe n'abaherezi bakuru bwo kuboha abambaza izina ryawe bose. »

ITEGEREZE NEZA : Muri iyi mirongo biragaragara yuko abakristo bo mw ishengero ry'Imana bari bazwi ko bari abigishwa b'Umwami, kandi ari abatumwa. Ivyakozwe n'Intumwa 8 : 3, n'Ivyakozwe n'Intumwa 9 : 13. Arikw Imana yari yamenye ko Sauli yihanye maze imuvugakw ibi, « Kuk'uwo muntu ar'ikintu nitoranirije, ngw ajane izina ryanje imbere y'abanyamahanga n'abami b'Abisirayeli : (umurongo wa 15). Nukw Ananiya aja gushaka Sauli, amubonye, aramuhamagara, ati « Sauli mwene Data. » Umurongo wa 17. Paulo (Sauli) yerekanywe imbere y'ishengero ry'abo mur: Antiyokiya, ahw'abigishwa batanguriye kwitwa « ABAKRISTO ». Ivyakozwe 11 : 26.

Imana yategetse ishengero ryo muri Antiyokiya, iti « Nimundobanurire Barunaba na Sauli bankorere igikorwa nabahamagariye. Nuko bisonzesheje basenze, babarambitsekw ibiganza, barabarungika. » Ivyakozwe n'Intumwa 13 : 2—4.

Imana irongoza ishengero ryayo Mpwemu Yera. Yateye iteka ishengero ryayo mu kuriha gushingira intahe abaririmwo. Paulo yagenze ingendo ndende kand'ababazwa cane ku bwa Kristo. Twokwibuka ko yatuma na Mpwemu Yera mu buryo bw'ishengero. Yari umwe mu bakozi b'Imana b'intwari, ntiyishima, ahubwo yifata nk'umwigishwa mw ishengero rya mbere rya Gikristo.

ISHENGERO RY'IMANA RIGERERANYWA N'UMUBIRI

5. Mu Ab'i Kolosayi 1 : 8, « Ni we MUTWE w'umubiri, ari wo SHENGERO. »

Ko ishengero rigereranywa n'umubiri, none UMUTWE ni nde? Har'abizera ko umwigishwa wa Kristo wese ari umutwe w'ishengero. None ijamba ry'Imana rivuga iki? « Kristo n'umutwe w'ishengero, akaba n'Umukiza w'arayo. » Abanyefeso 5 : 23. None wovuga iki ku mubiri ufise imitwe ibiri? Woba ari umubiri nk'iyindi mubiri isanzwe? Eka data ! ahubwo vyoba ar'ikintu cigawe gusa. Nta handi mw ijamba ry'Imana havuga ko hari uwundi mutwe w'ishengero atari Yesu Kristo gusa. None umutwe ufise umugabane wuhe ku mubiri? Uyobora umubiri kandi ukawutegeka. Utegeka umutima n'inda n'ibindi. None iyo umubiri utagira umutwe umara iki ? Ntaco ufashije na gito. Umeze nk'upfuye gusa, udafise ubuzima. Yesu ni we buzima bw'Ishengero (Yohana 14 : 9)

6. None abakristo bo mw ishengeru bagereranywa na nde ?

Abakristo bo mw ishengeru bagereranywa n'izindi ngingo z'umubiri. « Kuk'umubiri atari ururingo rumwe, ahubwo ufise ingingo nyinshi. » Umurongo wa 27 uvuga, ngo « Mur'umubiri wa Kristo, n'ingingo, rumwe ukwarwo. » Ururingo rufatanywa n'urundi, ingingo zose zigaca zikorana. Iyo ingingo zitakoranye, umubiri uba urwaye, ntushobore gukora umurimo nk'uko bisanzwe. Tugereranye n'uko ukuboko kwovuga, kuki «Noba ukuboko kwiza iyaba ntafatanije n'umubiri. Nzova ku mubiri nkore imirimo nd'ukwanje. » None uko kuboko kwogira kamaro ki kwikuye ku mubiri? Reka dufate akandi karorero ku gutwi. Kuvuze, kuki : « Ariko nshobora kwumva n'aho nova ku mutwe. Nzova ku mubiri mbe ukwanje. » None uko gutwi kubigize kwosubira kwumva ?

Tuvuge n'ivy'inda. Inda na yo ivuze, iti « Noba inda nziza ntiriwe mba mu wundi mubiri. Nzova ku mubiri. » None uwo mubiri womara igihe kingana gute ? Umubiri ntiwoba ukwiye utagira ingingo zose. Nta rugingo urw'ari rwo rwose rwoba rwiza rutabaye urw'umubiri. Niko bimeze no mw ishengeru ry'Imana. Umuntu yokwanka kuba ururingo rw'uwo mubiri, ntaba yononnye ishengeru gusa, ahubwo na we nyene aba abuze inkomezi n'imibereho y'ivy'umutima. « Ijisho ntiryoshobora kubarira ikiganza ngo Ntaco ummariye ; canke umutwe kubarira ibirenge, ngo Ntaco mummariye. Ariko biri ukundi rwose : ingingo z'umubiri ziyumvirwa kw'ar'iz'intege nke inyuma y'izindi, ni zo zitohara. » 1 Ab'i Korinto 12 : 21, 22.

AKAMARO KO KUBA UMUKRISTO WO MW ISHENGERO RY'IMANA.

7. Kuba mw ishengeru ry'Imana bigirira umuntu akamaro ki kurusha abataririmwo ?

Ab'afise icubahiro co gusengera hamwe n'abandi. « Nimuze tumusenge twunamye, dupfukamire Uhoraho Umuremyi wacu. Zaburi 95 : 6.

Ukw'Imana ihura n'ubwoko bwayo, ab'abonye akamaro ko guhesh'Imana icubahiro mw'ikoraniro ry'abandi. « Ni we Mana iteye ubwoba bwinshi mw'ikoraniro, n'iyi gutinywa kuruta abayikikije bese. Zaburi 89 : 7.

Akunda bagenzi biwe, « Namwe mwese mur'abavukana. ata yo 23 : 8. «Nk'uko nabakunze abe ariko namwe mukundana. Yohana 13 : 34.

Yishimira gufashwa n'abagenzi biwe. « Nuko rero, iyo turonse uburyo, tugirire bese neza, cane-cane ab'inzu y'abizera. » Ab'i Galatiya 6 : 10.

Asengerana na bagenzi biwe. « Mwaturirane ivyaha vyanyu, musengeranire, kugira ngo mukire indwara. » Yakobo 5 : 16.

Aba umwe na bagenzi biwe. « Bose babe umwe muri twe. » Yohana 17 : 21.

8. Ubw'imigisha y'ivy'Uhoraho ibonekera mu makoraniro yo gusenga Imana, tuyumva dute mu vyerekeye ivyo ?

« Twoye guheba gukoranira hamwe, nk'uko bamwe bagira, ariko duhanurane, kandi uko mubonye wa musu wegereza, murushirize kugenza murtyo. » Abaheburayo 10 : 25. Ariko

umuntu wese ashobora guterana nabagenzi biwe mu gusenga Imana. Guteranira hamwe n'abagenzi mu gusenga Imana. Guteranira hamwe na bagenzi biwe kuzomutera inkomezi, kandi anezereza Imana.

9. Imana ivuga iki ku badakunda kwifatanya n'ishengero ryayo ?

« Utamperereyeko n'umwansi wanje. kandi udasukiranya nanje arasanazaza. » Matayo 12 : 30.

Reka dutange urugero gurtya : Iyo umusirikari wo mur'iki gihugu avuga, ati « Nd'umusoda wa Leta yacu, ariko sinezerwa no kuba mu ntwaremiheto (n'ukuvuga ko atashaka kufatanya n'abandi basirikare). » « Nokunda kurwanira intambara aho nishakiye mu ngabo zose. » Noneho rero umusirikari wese yotwara ivyambarwa vyawe (impuzu-ibirato-imbunduki) akarwanira aho ashakiye hose. None bibaye gurtyo umwansi yoneshwa mu ntambara ? Haba na gato ! Umuntu abereye igihugu ciwe intungane, yokwifatanya n'itwaremiheto z'i wabo bakarwanirira hamwe abansi. Namba umuntu agomba kurwanya Satani, wa mwansi w'Imana n'abantu, ntazokwanka kwifatanya n'ingabo z'Imana, ari ryo shengero. Azokunda kufatanya hamwe na Kristo. **WA MUTWE W'ISHENGERO.**

ISHENGERO RY'IMANA RYAMAHO.

10. Ishengero ry'Imana rizomara igihe kingana iki ?

Imyaka yose. « Icubahiro kibe icyo mw ishengero no muri Kristo Yesu, kugeza ku buzukuruza bose b'ibihe bitazoshira. Amen. » Abanyefeso 3 : 21.

11. Amazina y'abakristo bo mw ishengero ry'Imana yanditswe hehe ?

« N'Ishengero ry'abana b'imfura banditswe mw ijuru. » Abaheburayo 12 : 23.

12. Ishengero ry'Imana rizoba rimeze gute ni yaza kuriyana aho ari ubwiwe ?

« Aryishire, ar'ishengero rifise ubwiza, ridafise amarabaga cank'injebejebe cank'ikintu cose gisa girtyo, ariko ribe iryera ridafise agasembwa. » Abanyefeso 5 : 27.

Imana ivuga kw ishengero ryayo ar'umwambaro wera, rizoba ridafise ikizinga cank'ibara iryo ariryo ryose. Rizoba **ISHENGERO** ryera.

UBURYO BWO KUBA UMUKRISTO W'ISHENGERO.

13. Ni bande bashobora kuba abakristo bo mw ishengero ry'Imana ?

« Imana ntitoranya abantu ku butoni, ariko mu mahanga yose uyubaha, agakora ivy'ukugororoka, iramwemera. » Ivyakozwe n'intumwa 10 : 34, 35. Imana izoba irifisemw'abantu b'amoko yose.

14. Umuntu ashaka kuba umukristo wo mw ishengero ry'Imana akwiye gukora ibihe bintu ?

Imbere yo kuba umukristo wo mw ishengero ry'Imana, umuntu ategerezwa kugira ibintu vyinshi akora. Subira mu cigwa c'indwi. Mur'ico cigwa c'indwi havuga ko umuntu akwiye kwizera KUGOROROKA kw'Imana, akaba agomba kwirega ibicumuro vyawe imbere y'Imana, n'imbere y'uwo yacumuyeko. Arangije agahaze akabatizwa. Yesu ataraja kwa Se yaravuze, ati « Nuko ni mugende, muhindure amahanga yose abigishwa, mubabatiza mw'izina rya Data wa twese n'iry'Umwana n'irya Mpwemu Yera; mubigishe kwitondera ivyo nabageze vyose. Umwe, ndi kumwe namwe imisi yose, gushitsa ku muhero w'isi. » Matayo 28 : 19, 20.

Mur'iki cigwa twabonyemwo ko umuntu atarifatanyaga n'ishengero akwiye kubanza :

a) Kwigishwa agakomeza ivyo Yesu yategetse vyose. Nta kugororoka kwobanziriza ivyo.

b) Kubatizwa kw'izina rya Data wa twese n'iry'Umwana n'irya Mpwemu Yera.

15. None umwana mutoyi akwiriye kubatizwa ?

Oya. Umwana mutoyi ntashobora kwigishwa, kwizera, kandi ntiyokwigaya. None abana bayo bokwitegurira kubatizwa gute? Nta muvuyeyi uw'ari we wese ashobora gukiza umwana wiwe ngo amutangere abatizwe.

« Naho coba kirimwo Nowa na Daniyeli na Yobu, ndahiye, ukubaho kwanje, ni k'Umwami Uhoraho agize, nta we borokora ar'umuhungu wabo cank'umukobwa wabo; atar'ayabo magara gusa bokiza, kubw'ukugororoka kwabo. » Ezekiyeli 14 : 20.

Nta cemezo ic'ari co cose kiri mw'ijambo ry'Imana cemeza k'umwana mutoyi abatizwa.

Hanyuma y'imyaka myinshi Yesu amaze kuja mw'ijuru, niho ivyo kubatiza abana bato vyinjijwe mw'ishengero. Iyo umwana w'umukristo apfuye atabatijwe, twemeza rwose k'uwo mwana azokizanywa n'umuvuyeyi wiwe mu bwami bw'Imana

IMPAMVU Z'UMUBATIZO

16. Umubatizo n'ikimenyetso c'iki ?

Umuntu ntabatirizwa kwerekana kw'aruta abandi ubwiza. Iyo abatijwe aba yeretse ababa kw'isi yuko atandukanye n'ibintu vyo kw'isi vyose; ivyo Satani ashaka kumukoresha, noneho akaba agiye kugendana na Kristo, kandi akifatanyaga n'ishengero ry'Imana, N'ikimenyetso kigaragaza ko yakiriye urupfu rwa Kristo mu kibanza c'urupfu rwiwe rwa rupfu rw'imyaka yose. « Canke ntumuzi yuko twese ababatirijwa kuba muri Kristo Yesu, twabatirijwe kuba mu rupfu rwiwe, kugira ngo, nk'uko Kristo yazuwe mu bapfuye n'ubwiza bwa Data wa twese, abe ari ko natwe tugendana ubugingo busha. » Abaroma 6 : 3, 4

Umubatizo n'ICIBUTSO C'URUPFU N'UKUZUKA KWA YESU, mu murongo wa gatanu w'iki gice, Paulo avuga, ati « Ko twakoranjwe na we n'igishushanyo c'urupfu rwiwe, tuzokoranywa na we n'ic'ukuzuka kwiwe na co. »

17. Muri Bibiliya havugwa mibatizo ki ?

« Hariho Umwami umwe, ukwizera kumwe, no kubatizwa kumwe. » Abanyefeso 4 : 5.

UBURYO BW'UKUBATIZA

18. None Bibiliya yigisha ko umuntu akwiriye kubatizwa ate ?

Yesu yatubereye akarorero keza uri vyose. None Yesu yabatijwe gute? « Yesu amaze kubatizwa aca ava mu mazi ; maze ijuru riruguruka, abona Mpwemu w'Imana, amanuka asa n'inuma amugwako. Buno rer'ijwi riva mw ijuru , rit'Uyu ni we Mwana wanje nkunda, akampimbara. » Matayo 3 : 16.

Bavuga ko uwabatije Yesu (Yohana Umubatizi) yabatiriza « ahitwa Ayinoni, hafi y'i Salimu, kukw aho hari amazi menshi » Yohana 3 : 23.

Kugira ngo wibuke urupfu rwa Yesu n'ukuzuka kwiwe, ukwiye guhambwa ukongera ukazuka. Abakristo ba kera bahora bahambwa mu buryo bw'ukubatizwa. Filipino yabatije ya nkone y'Umunyetiyopiya, bivuga, ngo «Baja mu mazi bompi, Filipino n'iyo nkone, arayibatiza.» Ivyakozwe n'intumwa 8 : 38, 39.

Yesu amaze kuva kur'iyi si, haciye imyaka mwinshi umubatizo wo gutonyangiriza amazi mu ruhanga winjizwa mw ishengero, kandi nta buryo na buke uwo mubatizo werekana gupfa, ahubwo ab'atonyangirijweko amazi gusa, ab'adasobanukiwe n'impamvu y'umubatizo akongera akabatizwa. Yesu avuye mu mazi Se yaravuze, at'Uyu ni we Mwana wanje nkunda, akampimbara. » Matayo 3 : 17.

Imana na yo yokwishimira ko wubatizwa nk'uko Yesu yabatijwe.

19. Niki gikurikira ukubatizwa ?

« None rero kubatizwa kwatumye duhambanwa na we tuba mu rupfu rwiwe, kugira ngo, nk'uko Kristo yazuwe mu bapfuye n'ubwiza bwa Data wa twese, abe ari ko natwe tugendana ubugingo busha. » Abaroma 6 : 4. « Nukw abemeye amajambo yiwe barabatizwa : abongewe kur'uwo musu ku bari basanzweho bari nk'ibihumbi bitatu (3.000). Umwami Imana akabongera imisi yose abama barakizwa. » Ivyakozwe n'intumwa 2 : 41, 47.

Kugendera mu bugingo busha no kwifatanya n'ishengero ry'Imana, bikurikira ukubatizwa. Ivyo s'ukuvuga k'umuntu atazogeragezwa kucumura. Yesu yarageragejwe na Satani amaze kubatizwa. « Ariko n'uwageragejwe uburyo bwose nka twe, yamara we nta caha yakoze. » Abaheburayo 4 : 15. « Nta caha yakoze, kandi nta bugunge bwabonetse mu kanwa kive. » 1 Petero 2 : 2. Ariko yarageragejwe !

Iyo umuntu yihaye Kristo , na Kristo aramufasha, ngo ashobore kunesha ibigeragezo. Yesu yaneshesheje Satani Ivyanditswe Vyera. Yesu ni we Jambo ryamah. (Yohana 1 : 14). Kandi Ivyanditswe Vyera nivyo Jambo ry'Imana. Ivyanditswe Vyera bifise ububasha bwavyo nk'uko vyari bibufise mu gihe ca Yesu.

20. None uwabatijwe wese azokizwa ?

« Uwizera akabatizwa azokizwa. » Matayo 16 : 16.

Kur'uyu murongo hokongerwakw iyindi mirongo ibiri : « Wame uyoboka gushitsa ku gupfa, nanje nzoguha igitsibo c'ubugingo. » Ivyahishuwe 2 : 10. » « Ariko uwihangana agashitsa kw iherezo , ni we azokira. » Matayo 24 : 13.

Dukwiye kurangiza iyi mirongo tuvuga ko uwabatijwe akihangana, akagororoka mu kubaho kwiwe, kugeza aho Yesu azozira, AZOKIZWA ! Izina ryiwe ntirizohanagurwa mur'ico gitabo c'ubugingo. Niba umuntu yarakoze ivy'agomba vyose vyo mw ijambo ry'Imana, canke kwizera canke kwihangana, no kwatura ibicumuro vyawe, ntiyateba kubatizwa.

« None ikigutevya n'iki? Va hasi UBATIZWE, wiyuhagire ivyaha vyawe, wambaze izina ryiwe. » Ivyakozwe n'intumwa 22 : 16. Iki kibazo kizosubizwa n'icigwa kimwe mu bizokurikira. Nzomenya ishengero ry'Imana gute? Uzoshaka kwiga ico cigwa.

IBIBAZO VY-ICIGWA CA 15

1. MUGIHE C-isezerano ryakera Imana yari ifise ishengero ?

- A. Ego, yari ifise ishengero rimwe
- B. Ego, yari ifise amashengero meushi
- C. Oya, nta shengero yari ifise

2. Ninde mutwe w-ishengero ?

- A. Mpwemu yera
- B. Yesu kristo
- C. Intumwa petero

3. Ishengero ny-Imana rigereranywa n'iki ?

- A. Umutwe
- B. Umubiri
- C. Ururimi

4. Umuntu yobatizwa ate ?

- A. Kumwibiza mu mazi
- B. Kumusuka amazi ku mutwe
- C. Kujabuka uruzi n'amaguru

5. Imana ifise amashengero angahe ?

- A. Menshi cane
- B. Amashengero yose
- C. Ishengero rimwe rudende

IJWI RY'UBUHANUZI
ISHURI RYA BIBILIYA MW IPOSTA
B.P. 170 Bujumbura
Burundi.



Izina.....

Ah'uba

.....